



Republika ng Pilipinas  
Lalawigan ng Bulacan  
**BAYAN NG MARILAO**

# Tanggapan ng Punong Bayan

## ATAS TAGAPAGPAGANAP BLG. 2020 - 08

### NAG-AATAS SA MAS MASIGASIG AT PINA-IGTING NA PAGHAHANDA SA PAG-IWAS SA PAGKALAT NG COVID-19 SA MGA NEGOSYO AT ESTABLISIMYENTO SA BAYAN NG MARILAO, LALAWIGAN NG BULACAN

**SAPAGKAT**, Noong Pebrero 2, 2020, ang Pangulong Rodrigo Roa Duterte ay naglabas ng isang direktiba ukol sa pagpigil at neutralisasyon ng pagkalat ng *COVID-19* kung saan ang lahat ng pinuno ng mga kagawaran, ahensya, tanggapan, at mga instrumento ng pamahalaan ay pinatnubayan upang magpatibay, makipag-ugnayan, at magpatupad ng mga patnubay at iba pang alituntunin na ilalabas ng “*Inter-Agency Task Force for the Management of Emerging Infectious Diseases in the Philippines*” na nilikha sa pamamagitan ng *Executive Order No. 168, s. 2014*, kasama ang Kagawaran ng Kalusugan bilang Tagapangulo nito;

**SAPAGKAT**, kinumpirma ng Kagawaran ng Kalusugan ang pagkakaroon ng *local transmission* ng *COVID-19* sa Pilipinas;

**SAPAGKAT**, nagdeklara ang Pangulong Rodrigo Roa Duterte ng “*State of Public Health Emergency throughout the Philippines*” sa pamamagitan ng *Proclamation No. 922* noong Marso 8, 2020;

**SAPAGKAT**, may pangangailangan na paigtingin ang mga pagsisikap sa pagtugon at pamamahala sa pag-iwas sa pagkalat ng *COVID-19*, kabilang ang mga negosyo at establisimyento sa bayan ng Marilao na tumatanggap ng maraming bilang ng mga empleyado, kliyente at/o *customer*;

**NGAYON, SAMAKATWID**, ako, **RICARDO M. SILVESTRE**, Punong Bayan ng Marilao, Lalawigan ng Bulacan, sa bisa ng kapangyarihang ipinagkaloob sa akin ng batas, ay nag-aatas sa lahat ng mga negosyo at establisimyento sa bayan ng Marilao na gampanan ang mga kaukulang hakbang upang mapigilan ang pagkalat ng *COVID-19*, gaya ng mga sumusunod:

1. Dapat tiyakin na ang bawat establisimyento ay panatilihin malinis o *hygienic*;
2. Dapat gumamit ng mga *thermal scanners* sa mga pasukan o *entrance* ng bawat establisimyento upang masukat ang temperatura ng papasok na mga empleyado at/o bisita;
3. Dapat maglagay ng mga *hand sanitizers* o *alcohol dispensers* at tiyakin na ang mga ito ay palagiang may laman;
4. Dapat maglagay ng mga *posters* na nagtataguyod ng regular na paghuhugas ng mga kamay;
5. Dapat tiyakin na ang mga kawani, *customer* at/o bisita ay may *access* sa mga lugar kung saan maaari silang maghugas ng mga kamay gamit ang sabon at tubig;
6. Dapat tiyakin na may magagamit na mga *face masks* at/o *tissue* sa bawat establisimyento, para sa mga empleyado na magkakaroon ng sakit sa oras ng trabaho; at
7. Magkaroon ng patuloy na koordinasyon sa Pamahalaang Bayan, sa pamamagitan ng Pambayang Tanggapan ng Kalusugan, sa ***COVID-19 Hotline: 0925-8881111***.

Kung, sa anumang kadahilanan, ang anumang bahagi o probisyon ng Atas Tagapagpaganap na ito ay natagpuan na hindi naaayon sa Konstitusyon, ang iba pang mga bahagi o probisyon nito na hindi apektado ay magpapatuloy.

Ang Atas Tagapagpaganap na ito ay magkakabisang kagyat.

**NILAGDAAN** sa Bayan ng Marilao, Lalawigan ng Bulacan, ngayong ika-**10** ng **Marso**, sa taon ng Ating Panginoon, dalawang libo dalawampu.

(SGD.) **RICARDO M. SILVESTRE**  
Punong Bayan

